



07.03.22
[Signature]

Broj: 02-16-3-15-28/22
Tuzla, 07.03.2022. god.

Na osnovu člana 61. Zakona o upravi („Službeni glasnik BiH“ broj: 32/02, 102/09 i 72/17), člana 64. stav (1) tačka a), člana 70. stav (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14), člana 20. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-31/19 od 28.01.2019. godine, na Preporuku Komisije za javne nabavke z 2022. godinu broj: 02-16-3-15-25/22 od 07.03.2022. godine, u postupku javne nabavke usluga brze pošte direktor Agencije za antidoping kontrolu Bosne i Hercegovine **d o n o s i**:

O D L U K U
o izboru najpovoljnijeg ponuđača za nabavku usluga brze pošte
u međunarodnom i unutrašnjem poštanskom saobraćaju

Član 1.

Prihvata se Preporuka Komisije za javne nabavke za 2022. godinu u predmetu „Konkurentski zahtjev za dostavu ponuda za nabavku usluga brze pošte u međunarodnom i unutrašnjem poštanskom saobraćaju“, broj: 02-16-3-15-25/22 od 07.03.2022. godine i Okvirni sporazum za nabavku usluga brze pošte u međunarodnom i unutrašnjem poštanskom saobraćaju dodjeljuje se ponuđaču DHL International d.o.o. sa sjedištem na adresi Rajlovačka cesta bb, 71 000 Sarajevo, ponuda broj: BA_O_120571523024 od 21.02.2022. godine, za ponuđenu cijenu od 5.331,16 KM bez PDV-a (80 bodova) i sa ponuđenim rokom plaćanja od 30 dana (20 bodova) što ukupno iznosi 100 bodova, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač DHL International d.o.o. dostavio je najbolje ocijenjenu ponudu broj: BA_O_120571523024 od 21.02.2022. godine, odnosno ponudio je ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama Bosne i Hercegovine (u daljem tekstu: Zakon) u iznosu od 5.331,16 KM bez PDV-a (80 bodova) i sa ponuđenim rokom plaćanja od 30 dana (20 bodova), koja ispunjava sve formalno pravne uvjete tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 5.

Za izvršenje ove Odluke zadužuje se Područje rada administracije, međunarodne saradnje i odnosa sa javnošću.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluga brze pošte u međunarodnom i unutrašnjem poštanskom saobraćaju broj: 02-16-3-15-2/22 od 08.02.2022. godine. Javna nabavka je provedena putem konkurentskog zahtjeva za dostavu ponuda s ciljem zaključenja Okvirnog sporazuma na period od dvanaest (12) mjeseci sa jednim (1) dobavljačem. Procjenjena vrijednost javne nabavke bez PDV-a je 9.500,00 KM.

Komisija za javne nabavke za 2022. godinu (u daljem tekstu: Komisija za javnu nabavku) imenovana je Rješenjem broj: 02-16-3-6/22 od 25.01.2022. godine.

Obavještenje o nabavci broj: 372-7-2-10-3-4/22 objavljeno je na Portalu javnih nabavki 11.02.2022. godine kao i tenderska dokumentacija.

Tendersku dokumentaciju sa portala javnih nabavki preuzeli su sljedeći ponuđači:

Rb.	Naziv ponuđača koji je preuzeo tendersku dokumentaciju
1.	EKAPIJA DOO,
2.	JP BH POŠTA D.O.O. SARAJEVO,



- | | | | |
|----|------------------------------------|----|-----------------------------------|
| 3. | EURO EXPRESS D.O.O., | 6. | EXPRESS COURIER D.O.O. |
| 4. | BBS EUROPE, | 7. | CENTAR ZA RAZVOJ MEDIJA I ANALIZE |
| 5. | DHL INTERNATIONAL D.O.O. SARAJEVO, | | |

Rok za podnošenje ponuda bio je do 24.02.2022. godine do 10:00 h.

Otvaranje ponuda izvršeno je 24.02.2022. godine u 10:30 h.

Na otvaranju ponuda bio je prisutan predstavnik ponuđača EXPRES COURIER d.o.o. g-din Edin Bajramović koji je Komisiji dostavio Ovlaštenje za prisustvovanje otvaranju ponuda za nabavku usluga brze pošte broj: 2266/22 od 22.02.2022. godine. Dostavljanje zapisnika o otvaranju ponuda broj: 02-16-3-15-19/22 od 24.02.2022. godine izvršeno je prema svim učesnicima postupka nabavke u zakonskom roku [24.02.2022. godine] i to putem e-maila a predstavniku ponuđača EXPRES COURIER d.o.o. g-dinu Edinu Bajramoviću uručen je originalni Zapisnik o otvaranju ponuda.

Komisija za javnu nabavku dostavila je 07.03.2022. godine rukovodiocu ugovornog organa Zapisnik o pregledu i ocjeni ponuda u predmetu javne nabavke: Konkurentski zahtjev za dostavu ponuda za nabavku usluga brze pošte u međunarodnom i unutrašnjem poštanskom saobraćaju broj: 02-16-3-15-24/22 od 07.03.2022. godine, Preporuku o izboru najpovoljnijeg ponuđača za nabavku usluga brze pošte broj: 02-16-3-15-25/22 od 07.03.2022. godine i Izvještaj o radu komisije za nabavku usluga brze pošte broj: 02-16-3-15-26/22 od 07.03.2022. godine.

U postupku po izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su blagovremeno pristigle ukupno tri (3) ponude,
- da nije bilo neglagovremeno zaprimljenih ponuda,
- da su ponude ponuđača DHL International d.o.o. i EXPRES COURIER d.o.o. kvalifikovana i prihvatljive te da su dostavljeni svi traženi dokazi propisani tenderskom dokumentacijom, na propisan način,
- da se ponuda ponuđača EURO EXPRESS d.o.o., odbacuje na osnovu člana 68. stav (4) tačke i) i j) Zakona o javnim nabavkama (Sl. Glasnik BiH broj: 39/14) iz razloga jer ne ispunjava zahtjeve iz tenderske dokumentacije vezano za tranzitno vrijeme (rok isporuke) za pošiljke za (internacionalne – izvozne pošiljke) inostrane destinacije,

Ponuda ponuđača EURO EXPRESS d.o.o. nije prihvatljiva iz sljedećih razloga odnosno nije kvalifikovana iz razloga jer je ponuđač u Obrascu za cijenu ponude – usluge (Aneks 3) i u nacrtu ugovora (Aneks 7 – član 4.) kao tranzitno vrijeme odnosno rok isporuke za pošiljke za (internacionalne – izvozne pošiljke) inostrane destinacije naveo period 2 do 3 radna dana iako je tenderskom dokumentacijom navedeno (Aneks 3) da se pošiljke za (internacionalne – izvozne pošiljke) inostrane destinacije dostavljaju u roku maksimalno od 1 do 2 radna dana od dana slanja pošiljke.

Ponuđač EURO EXPRESS d.o.o. je u Izjavi ponuđača (Aneks 2 – obrazac za ponudu) prihvatio odredbe tenderske dokumentacije u cjelosti, bez ikakvih rezervi ili ograničenja te da odgovara zahtjevima iz tenderske dokumentacije za isporuku usluga, u skladu sa uslovima utvrđenim u tenderskoj dokumentaciji, kriterijumima i utvrđenim rokovima, bez ikakvih rezervi i ograničenja.

Agencija je u skladu sa članom 53. stav (3) tačka g) Zakona o javnim nabavkama jasno navela rokove za isporuku odnosno Agencija je u tenderskoj dokumentaciji jasno naznačila da je tranzitno vrijeme odnosno rok isporuke za pošiljke za (internacionalne – izvozne pošiljke) inostrane destinacije maksimalno od 1 do 2 radna dana od dana slanja pošiljke.

Agencija je u odgovoru na drugo pitanje ponuđača EURO EXPRESS D.O.O. jasno navela sljedeće: „Krv se transportuje u odgovarajućim transportnim kutijama za hladni režim sa odgovarajućim poklopcima sa pratećim NanoCool sistemom - mogućnost održavanja temperature u periodu od 48 h nakon pakovanja (u kutiji se nalazi i oprema za kontrolu temperature - mogućnost mjerenja promjene temperature na nivou preciznosti od +/- 0.5°C).“

Uzorci za doping kontrolu (urin i sa posebnim naglaskom na uzorke krvi) transportuju se u ambalaži propisanoj i odobreno od strane Svjetske antidoping agencije (u daljem tekstu: WADA). Uzorci se trebaju isporučiti u roku od 1 do 2 radna dana od dana slanja [Agencija vodi računa o svim potrebnim radnjama i aktivnostima vezane za vrijeme uzimanja uzoraka kako bi dobavljač mogao u ugovorenom roku izvršiti isporuku obzirom da je mogućnost održavanja temperature u periodu od 48 h nakon pakovanja] u laboratoriju akreditovanu od strane WADA kako bi bili odgovarajući za analizu. U laboratoriji se provjerava i ispravnost odnosno temperaturni režim na kojem su transportovani uzorci za doping kontrolu (sve u sklopu propisanih procedura od strane WADA) te ako uzorci nisu dostavljeni na propisanoj temperaturi dolazi u pitanje i sama analiza odnosno sama doping kontrola. Ovdje posebno napominjemo i činjenicu da je cijena uzimanja uzoraka krvi za doping kontrolu izuzetno visoka (materijal za doping kontrolu, angažovanje doping kontrolora i dr.) i iznosi od 680 KM/komadu po jednoj test misiji do 1.310 KM za prikupljanje četiri uzorka krvi po jednoj test misiji (Službeni glasnik BiH broj 5/22).

Obzirom da ponuđeno tranzitno vrijeme odnosno rok isporuke za pošiljke za (internacionalne – izvozne pošiljke) inostrane destinacije od 2 do 3 radna dana nije odgovarajući i nije u skladu sa tenderskom dokumentacijom ponuda ponuđača EURO EXPRESS d.o.o. nije prihvatljiva.

Ponuda ponuđača EURO EXPRESS d.o.o. odbacuje se na osnovu člana 68. stav (4) tačaka i) i j) Zakona o javnim nabavkama iz razloga jer ne ispunjava zahtjeve iz tenderske dokumentacije vezano za tranzitno vrijeme (rok isporuke) za pošiljke za (internacionalne – izvozne pošiljke) inostrane destinacije.



U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač „DHL INTERNATIONAL d.o.o.“ Sarajevo, najbolje ocijenjen primjenjujući kriterij ekonomski najpovoljnije ponude odnosno broja bodova izračunatih na temelju kriterija utvrđenih u obavještenju o nabavci i tenderskoj dokumentaciji, kako slijedi :

RANG LISTA PONUĐAČA [PRIHVATLJIVIH PONUDA]

RANG	Naziv/ime ponuđača	Podkriterijum (P) Cijena	Podkriterijum: (S) Rok plaćanja	Ukupan broj bodova (T=P+S)
		Broj bodova	Broj bodova	
1	DHL International d.o.o.	Ponuđena cijena [bez PDV-a] 5.331,16 KM	Rok plaćanja 30 dana	100,00
		80	20	
2	EXPRESS COURIER d.o.o.	Ponuđena cijena [bez PDV-a] 7.612,10 KM	Rok plaćanja 30 dana	76,03
		56,03	20	

Izabrani ponuđač je, kako je gore navedeno, ocijenjen sa ukupno 100 bodova.

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1	Naziv/ime ponuđača	DHL International d.o.o.
2	Sjedište i adresa	Rajlovačka cesta bb, 71 000 Sarajevo
3	ID broj:	4200054590001
4	Ukupna cijena ponude bez PDV-a	5.331,16 KM (80 bodova)
5	Rok plaćanja	30 dana (20 bodova)

Iz navedenih razloga, primjenom člana 64. stav (1) tačka a) ekonomski najpovoljnija ponuda Zakona o javnim nabavkama („Službeni glasnik BiH“ broj: 39/14) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



Dostavljeno:

- 1 x DHL International d.o.o.
- 1 x EURO EXPRESS d.o.o.
- 1 x EXPRES COURIER d.o.o.
- 1 x Komisija za javne nabave
- 1 x a/a